

ՈՒՆՏԱԳՆԱՑՈՒԹՅՈՒՆ Ս. ՄԵՍՐՈՊ ՄԱՇՏՈՑԻ ՇԻՐԻՄՆ

Հունիսի 19-ին, հիմնադրված օրը, Նորին Սրբություն Գարեգին Ա Ամենայն Հայոց Կաթողիկոսն ուղևորվեց Օշական՝ մասնակցելու Ս. Սահակի և Ս. Մաշտոցի մեծարժանի տոնակատարությանը՝ իր հարգանքը մատուցելու մեր մեծ թարգմանիչների հիշատակին, խոնարհվելու Մեսրոպ Մաշտոցի սուրբ շիրիմին։ Արագածոտնի թեմի Ս. Մեսրոպ Մաշտոց եկեղեցում, Հայոց Այրուբենի ստեղծման 1500-ամյա հոբելյանի առթիվ, իր ամդրանիկ եպիսկոպոսական պատարագն էր մատուցում թեմակալ առաջնորդ՝ նորած Ս. Նավասարդ եպս. Կճոյանը։

Սրբազան Հայրը պատմական մի ակնարկ կատարեց և գնահատանքի ու երախտիքի ջերմ խոսքերով արժևորեց Մեսրոպ Մաշտոցի և Սահակ Պարթև Կաթողիկոսի անձնուրաց և ազգանվեր գործը։ Ստեղծելով Հայոց Այրուբենը և իրենց աշակերտների հետ միասին կատարելով Աստվածաշնչի թարգմանությունը, նրանք երկնային ճշմարտությունը, Ամենագոր Աստծո խոսքը հասու դարձրեցին հայ ժողովրդին, բյուրեղացրեցին ոչ միայն հայոց լեզուն, այլ նաև հայ միտքը, մտածողությունը և իմացականությունը, զորացրեցին նրա թաքնված մտավոր ուժն ու կորույթը։ Մի նոր ծաղկում ու զարգացում ապրեցին հայ մշակույթը, գեղանկարչությունը, ճարտարապետությունը, երաժշտությունը։

Պատարագի ավարտին Սրբազան Հայրը մի հատված ըմբերեց վահան թեքեյանի բանաստեղծությունից՝ նվիրված Օշականին։

Այնուհետև հավատացյալ և ուխտավոր ժողովրդին, բոլոր ներկա գտնվողներին իր հայրապետական պատգամը տվեց Նորին Սրբություն Գարեգին Ա Կաթողիկոսը։ Վեհափառ Հայրապետը կոչ արեց հայ ժողովրդին սրբությամբ և աչքի լույսի պես պահպանել մեր մայրենին, անաղարտ պահել այն, ունկնդիր լինել և հետևել մեր Տիրոջ՝ Հիսուս Քրիստոսի պատվիրաններին։ Խոսքի ավարտին Գարեգին Ա Կաթողիկոսը սրտանց շնորհավորեց և իր հայրապետական օրհնանքը տվեց Ս. Նավասարդ եպս. Կճոյանին ամդրանիկ եպիսկոպոսական պատարագի առիթով՝ մաղթելով նրան արժանի լինել իր նոր կոչմանը, նվիրվածությամբ ծառայել Հայ Առաքելական Եկեղեցուն և իր հոտին։

Արարողությամբ ներկա էին Արագածոտնի մարզպետ Հրաչյա Գրիգորյանը, Աշտարակի քաղաքապետ Կարեն Գևորգյանը, Այաարանի քաղաքապետ Ռուբեն Հայրապետյանը, Մայր Աթոռի միաբաններ, հավատացյալ ժողովուրդը՝ հոծ բազմությամբ։

ՄԱՍԼՈՂ ԴԻՎԱՆ ՄԱՅՐ ԱԹՈՐԻ